



05913

樓邨詩集卷二十二

寶應 王式丹

方著

鴻柯集

癸巳

癸巳暮春重遊西湖喜晤武林諸同志聯袂登

臨兼旬讌集漫賦八章即以留別

留別

春

揮手湖干十六年春波重泛木蘭船羣峰草樹曾相識
舊雨朋儕未了綠笙管花闌殘月夜鐘魚山寺落霞天
偕遊是處勾留好酒態詩情共拍肩

亂紅飛盡惜春歸朝雨纔停暮雨霏湖漲東西萍浪合

橋連裏外柳風微

六橋場柳近頗彫疎

四賢高碣峰巒擁三竺浮

煙粉黛圍舊是樂天難別處迷離光景未全非

樓邨詩集卷二十二 鴻柯集

一

日傍山椒湖水涯芒屨幾兩踏煙霞大招岳墓兼于墓

小憩林家與葛家高嶺雙尖蟠老木平湖四角長新葭

盪胸自要尋丘壑弔古懷人一倍加

層巖窄峒俯清流騁目登臨占上頭近郭煙橫不斷樹

隔江山入最高樓

輞光菴登閣望江表諸山最暢

窗搖竹色精廬迴門

聽潮聲古剎幽坐對奇峰忽忘反欲移家具住杭州

冷坐

泉亭詠飛來峰為湖上第一勝境余每至忘還

千載西湖行樂地叢談委巷記興亡

委巷叢談見西湖志

錢王錦

樹彫春色賈相燈船冷夜光方法魚羹傳宋燉風流酒

肆失蕭孃晚鐘喚醒浮生夢日倚南屏送夕陽

開門掃徑一舟駐攀柳尋花雙屐輕興在湖山邀舊侶

談惟風月恣閒情，敲枰偶度龍華劫。拍板徐調鳳吹聲。
水珮風裳今夕見，錢唐蘇小正盈盈。翁康詒拾飲湖莊
出小伶度曲年纔

十五色
藝雙絕

飲伴好教尋勝地，遨頭真喜撰良辰。采蓴自待乘槎客。

馮文子手採湖蓴即於湖筋中作羹甚美沽酒還思畫壁人。汪默齋携酒錢沽飲旗亭，錢皆大醉。

白日黃雞春寂寞，油車驄馬路逡巡。只應爛

醉西陵畔，更唱玲瓏一曲新。

蚤是園林淺夏時，開簾延客晝遲遲。移來日影烘花檻。

捲起湖光瀉酒卮。章豈績龔籥籥圃陳梓湘陳廷益裘循卓家有小圃花事都佳豈績留飲八

昭慶所至賢豪為地主，相逢儒雅亦吾師。留髡記取

春城醉。唐月出人皆醉懊惱垂楊管別離。

樓郵詩集卷二十二 鴻柯集

二

薄暮泛舟次宋山言督學韻

連雨晚乍晴，及此放船好。輕衝裏岸煙，緩踏浮波草。遙知吳山巔，暝望一葦小。月出尚層雲，平林但幽峭。

湖上漫興六絕句次山言韻

康樂遊山興未孤。余向有擬康樂遊山詩尋詩今更到明湖。西冷

橋畔天如水，留得一枝如蓋無。余十六年前遊湖上，詠西冷橋古松云：一枝如

蓋暮天清

南屏春暮好，閒行徙倚斜陽見。落英樹底一方春，水綠

塔巔十丈晚霞禎。塔影正照池中

伶狂藉放本無涯，趣涉湖山一倍賒。却為比來添齒病，

欲尋桑苧學烹茶。時余以病齒止酒

那有長繩絆得春
画船絲管故應頻
漢陂哀樂心情在
何必長安賦麗人

山林排疊徧高低
獨往多愁咫尺迷
十六年來餘恨事

只從圖画認西溪
向游湖上未到西溪近年屢爲友人題西溪画卷殊懸夢想也

水曲山坳乍眼明
星移物換每心驚
蕭蕭孌壚畔重來路

風咽山亭雜樹聲
湖上向有當爐蕭九娘今歷三世矣

友人投詩四章依韻奉酬

橋迴嶺復擁清波
十六年來客再過
春日煙光憑放浪

故人投贈有悲歌
方輪豈借豨膏轉
圓艾難將菱刺磨

二句俱用放翁語留得幽蘭一叢在
與君珍重辨根科

久已浮生任轉蓬
留連光景意何窮
蓴芽初長暖波裏

樓中詩集卷二二 馮柯集

三

菜蕊徧開微雨中
花底不妨頭鬢白
山巔長對夕陽紅

杭州未比湖州客
猶喜青春不負公

數奇原不累名高
盡捲湖山入楮毫
逢我歌呼迴白眼

爲君涕淚濕青袍
鵬騫鴟化莊生夢
緹馬揚舡屈子騷

試聽夜來風雨過
長松澗底自悲號

癸巳暮春亦快然
蘭亭序爲癸丑暮春有快然自足之句幽情暢敘泛湖

船共將一詠一觴意
相對某山某水前
桑下未能忘愛

戀葦間豈合斷沿綠
平原十日猶應住
怱悵孤帆欲北

旋

醉後與章綺堂同年夜話集字二首

客中光景醉時心
疎放何曾百感侵
倦眼歸來人對榻

天星散落夜燈深

聞歌初罷暮山昏
簾外清波竹下門
一笑半生春夢裏
闌風長雨共君論

贈翁康詒家小伶阿賢二首

錦纏綸上好花枝
寶髻銖衣小步時
抹盡羅虬一百首
如今纔得比紅兒

豈但音聲誇北里
須知濃澹比西湖
十年已醒揚州夢
却是揚州夢裏無

康貽湖莊夜飲聽歌集字

深紅淺碧散新晴
樹底疎風度曲情人面
好春消一醉
燈光不夜惜三更
簾開雲影尋聲住
衣疊煙波照眼明

樓邨詩集卷二十二 鴻柯集

四

今夕詩情兼酒態
欲書花片寄雙成

贈於潛令柘村弟

海岱高標尺五天
文壇把袂共聯翩
騁久燕臺畔
鸞鳳方翔浙水邊
石壁雲開懸曉月
琴臺花滿冪春煙
即看好時榮遷日
正是文饒染紙年

題龔田居鬢絲禪榻圖

圖中老僧踞
牀旁蹲獅子

脚底雲霞生面前
蠓蟻過西崦景如馳
南柯夢已破
不鑽黃蜂窗便登獅子座
念彼搏象力蹴踏詎摧挫
侖山采白朮芝田擁紫邏
彌勒如同龕居士
此安坐吹鬢落花飄
剪茶古松和一笑
揮塵毛吐哉只者箇

又贈柘村

伊闕嵯峨名與齊吾家大令有標題舊開書閣留河內
新種花香到浙西甘雨一湖滋碧藻薰風千樹嘖黃鸝
即看蓮幕聲名起翔步天衢侍馬蹄

翁羅軒山莊

我愛庾蘭成一篇小園賦先生湖上園日涉自同趣檐
宇無俗情俯仰愜所遇翠排一桁山綠環千重樹入徑
檀欒叢開門画舫路往往及花時賓友來杖屨香幔延
春華食單選飲具悠然絲竹清小伶新聲度燈影照低
鬟波光引微步安石心自寫公瑾曲能顧未妨兒輩覺
用慰年華暮有客托比鄰過從得小住世路勿復言逸
情時一赴別墅且賭碁曲水共得句花落當復開萍散
詎易聚他日遙相思伊人夢洄溯

樓市詩集卷二十二 馮柯集

贈汪苻洲前輩二首

京國過從數聲入長懷聽雨樓蘭亭人畢至杜老句同酬
客夢依羣紀游蹤散白劉天涯重捧袂風雨記杭州
廿年尊虎觀兩浙仰龍門軋茁方裁體丕休豈市恩留
春鶯送語入夏月添痕楊柳離亭畔新詩得共論

題友人天台採藥圖

爛爛巖電睽雙眸匣中徹夜號純鈞友人詩試聽純鈞徹夜號天上
有此神仙不神仙故須識字人退之子瞻皆上真宿生
慧業前後身九夜空教捫麟篆淮南仙籍多訛舛且憑
市子呼馬牛肯舐殘膏逐雞犬

行脚圖

維摩行脚恣遊戲乞取黃金布大地空中散落天女花
問渠結習能除未更當飲酒兼食肉美膚膩體隨白足
擎得一枝青蓮花桑下何妨度三宿

秋林讀書圖

高秋老樹色空山流水聲此中消一卷兀坐心跡清平
生稽古力詎必寶榮名道勝內斯足志壹外罕營捉鼻
恐不免太虛看雲生

題龔田居牡丹圖

一欄春及暮叢叢百五花

古稱牡丹為百五花

粉白間瑰紫應候

吐其華先生方閉戶閒情托芬葩浣香細雨過弄色澹

樓卽詩集卷三二 鴻柯集

六

日斜春工逞狡獪變態頓參差同根出殊色不用花師
誇流雲無定質隨時無常家用東方曼倩語浮生雙眼底飄忽
如翻車靜者觀物化幻景憑紛拏且當招酒伴對此十
文霞雜珮鏤黃玉生衣剪紅紗蜂蝶意顧戀帷幙影護
遮舉酒酌花神興發相謹譚還應十日飲客子忘天涯

贈某上人二首

應有迦陵吟上界莫從彌戾認神通憑君會得三摩地
只在雲青水白中

吳越山川去不窮底須賞月與吟風三生石上因緣在
誰向煙霞訪澤公

題画松二首

幽徑曾無俗客來
松陰滴翠長莓苔
一枝盤鬱斜陽影
正見前山雲氣開

飽度霜清又露華
不隨浪蕊與浮花
高情到處盤桓好

何但南邨陶令家

歸去來辭撫孤松而盤桓

鶴山和柘村

縣齋東北萬峰聯
上得籃輿促步前
曲曲峰腰循白道
層層林杪上青天
行蹤絕處雲遮寺
采翠圍來水灌田
最喜吾家仙令好
共尋奇景入新篇

領要亭

萬古此峰巔
遼寬罕人至
蒼蔚雜荒榛
奇境天所秘
詩人領山縣
高情肆遐寄
尋詩歷諸山
一一歸篋笥
崎嶇

樓邨詩集卷二

鴻荆集

七

上巢雲佳處
忽相值神理有契
合開闢出指示規方
二十弓一亭商位置
余時來此邦偕遊履
其地竦身逼諸天
四顧殊愕眙
挺挺列樹齊鬱鬱
萬峰侍似雪梓
綴花如煙松滴翠
巾山雲半浮飄
袂風遙吹拔起
既曉巖僻處
復幽邃人地視
所遭勝蹟自今始
攘剔方縱橫
木石拾級致喜君
抱奇懷締構
良匪易遙憶少陵詩
自題領要字於焉
示後人雅音要當嗣
我爲作長吟聊當遊山

記

數筍圖二首

此君合遣對薇之
不待齊檐布葉時
最愛小亭微雨後
數來新筍碧參差

食肉還應兼食筍，篋管谷裏寄新詩。莫教盡飽東坡腹，
留待洋州掃大枝。

張恂山水二首

巖巖屋屋峰如擘，削離離疎樹不模糊。即今邗上留真蹟，
合比營工老筆圖。

好將草聖擘窠手，寫入當年繪境中。張璪有繪境一篇不遺練

衣勤購取清郎高致愛文通。

題宋山言萬里歸人圖

山言泮河過龍里詩云萬里歸人堪繪處青衫

白馬入丹林

秋色滿黔陽，匹馬度龍里。北道初歸來，迢遙自茲始。往
者盛夏時，觸熱挈行李。銜命弗辭勞，瘴霧侵肌理。病餘

樓明詩集卷二十二 鴻柯集

八

事遠征為君憂不已，快哉試事畢。臣心清如水，體輕天
氣涼。一鞭萬山裏，豁窅盤迴箬。樹簇邈迤迤，深秋夜微
霜。染葉紅於綺，輕衫映峰青。馬毛雪堪擬，蹠躑楓柏中。
雙旌正前指，右丞行旅圖。離離可舉似，馬上題新篇。画
意良有以，使節往復還。山川筆能紀，風景入詩囊。文章

報

天子

四月廿四日遊巢雲山次日登領要亭廿七日

遊天目之雙清莊次日至西方菴觀曇花與晦

石和尚清談竟夕潛令家柘村弟紀之以詩次

韻

一生愛山遊興壯世網羈鞅久未暢投閒今日訪名山
心逐苔溪遠搖漾潛州地入萬山中幽閒遼夔非一狀

屐齒遙携謝惠連雲岑近憩陶元亮陶詩近憩雲岑林巒夾路

總畫圖山陰道上殊不讓行輿曲折飽經過筆硯携來
發高唱巢雲頂上領要亭側想仙人九節杖四十二盤

鳥道紆俯仰蒙翳難測量連朝天氣變暄寒層疊雲峰
陰雨釀此鄉高阜畏愆陽雨後農桑喜無恙回頭天目

更嵯峨左繞右旋列屏障萬壑雷轟瀑水飛千林煙湧
晨風颺住山面壁雖未能離垢觀空亦微尚因緣何處

證三生經論聊同翻一藏但教詠得寒山詩不用喫將
臨濟棒是日閱藏得寒山詩一快洗眼要須遠客塵菴中有昭明洗眼泉安心

樓邨詩集卷二十一 馮柯集

九

自可空依傍手把曇花襟袖香足踏懸崖天宇曠菴中繞開千丈崖即捨身崖留得偕遊幾葉詩從今五嶽憑疎放

序雨自嘉禾重往湖上舟中戲作

浪作浙西行忽及兩月半似曾招雨師追隨為遊伴屈指晴霽時曾無幾昏旦初至三宿房喜近明湖畔便擬雙蘭漿登臨恣伴奩積雨竟不休山中行跡斷乘間兩往還佳處暫展翫萬壘湖上山踟躕未盡看我友有素期一榻下西館震雷乍翻盆霖霖復瀾漫出力助陳遵積旬留王粲峨峨天目山遠訪殊不憚雅赴潛令招山椒兼水泝幸覩數峰青三見明星爛自餘便晦蒙鳩婦時時喚記得苔溪舟雨立如沐盥回舟過禹航西到嘉

未岸登岸上籃輿淋漓濕油幔小住亦復佳道院頗蕭
散新月已久生何曾照樓觀重上武林船長堤泥沒髀
米顛煙雨圖日夕隨几案奇景縱可耽阻滯良足歎天
意妒遊人跬步爲我難坎壈自平生茲行何多絆咄哉
遊興勇我懷凌霄漢所志在山水五嶽如里閭覆雨與
翻雲過眼任歷亂且傾一樽酒船窗笑揮翰

餘杭道中示虞門

禹杭來往舊程諳仲夏煙光萬綠涵麥隴初耕鞭老特
桑林重剪飼原蠶浪遊看徧山千疊長物携來酒一甌
薄暮篷窗聊共醉斜陽影裏望江南

塘棲道中

樓村詩集卷二十一 鴻柯集

十

汗漫天涯豈壯遊爲尋山水到潛州無端又向西陵路
細雨斜陽一葉舟

臨安道中

山縣經行逸興賒風光隨處得清華峰巔影合參天樹
水次香生覆地花徧野桑芽沾雨潤連滕來浪受風斜
茅檐一縷茶煙出暫爲停車野老家

五柳

西過臨安路又西行興歷徧幾山蹊松嵐連障皆皴染
秧隴分枰似剪齊午雨歇來雲不斷晚煙落處日初低
地名五柳殊堪戀倦鳥投林一夕棲

望巢雲山 俗名馬頭山

一峰矗立萬峰環
天目遙連指顧間
信是龍飛兼鳳舞
如何題作馬頭山

巢雲山小憩

崇山雲影際天浮
日暮還思到上頭
四十二盤真斗絕
到來山半且須休

自山半亭登巢雲之巔

山半亭中山一半
半山山色已全收
上到山巔山更好
排青飛翠壓潛州

偶成

尋來翠篠蒼松地
望裏浮煙細靄時
寂歷秋心成獨坐
一壺清茗數篇詩

樓郵詩集卷二十二 鴻柯集

六

癸巳初冬招沈寅中唐序皇程萬亭喬元溪集
鴻柯草堂用東歌韻同賦二首

頻歲行蹤踏雪鴻
一枝棲託卽墻東
要乘佳日招吟侶
却笑蒼顏號醉翁
幾本梅花留画稿

余有十三本
梅花書屋圖

二分

明月入詩筒
英瓊滿座真堪樂
可得樽中酒不空

節候初冬急景過
喜看風日尚清和
已知昨夜微霜至
何處空山落葉多
徵句定應同幸甚

魏武帝語

舉觴好與問

無何輪囷肝膽吾曹在
放眼寒宵日醉歌

仲冬既望雨後雪消招顧瑟如周確齋殷彥來

家斗南東宿集鴻柯草堂限霽字

麋鹿處闐闐
野性故難制
契闊念同羣
不寐願則憶
雪

殘草根封雨過天影霽眼底十丈塵一昔豁矇矓覺音
便堪喜羣賢况聯袂江河日風濤深淺愁揭厲反覆幸

天遺

王丹語

閒堂共小憩既望月未虧寒光耿蒼際密坐

雜詠嘲快飲盪鬱滯豪逸羣騁雄老朽亦鼓銳何必傷

白頭此樂已忘世

社句樂極傷白頭

即事徵新詩高會良可繼

瓶中黃梅花疊韻二首

顏色差殊風格似蜜脾應亦號梅花添將画裏定雙絕

余有梅花書屋圖皆画春梅

折向瓶中先自華明遠中庭傳彷彿涪

翁清句賞芬葩含冰沃雪檀心冷燈底一枝孤影斜

千紅萬紫羣芳歇愛爾霜中能作花

明遠句

密葉落時林

黯淡叢花開處氣清華綴來金凜濯寒水

金凜見宋書

熱盡

樓市詩集卷二十二 馮柯集

士

都梁薰冷葩好與詩人醒醉眼攀條低拂帽簷斜

曙光堂讌集素心黃梅花盛開點燈樹上各賦

一首限素字

朔吹小院深黃梅簇一樹巡檐不避寒襟期愜所遇與
爾結同心蕭然自履素賁六坤之五不受紅紫汙正則
貫冰霜幽芳洽杖屨主人擅高情舉觴亟索句錯落明
燈懸光彩邀顧步我本梅花友

放翁句

相逢如道故攀枝
欲忘言夜色冷香霧

寄懷薄勺庭同年

古者韓公與孟公上下相從如雲龍君今爲龍我爲雲
天門咫尺曾相從龍方變化貼天起雲歸故山潛其蹤

憶昔同登歲在未丹地聯翩占茹彙瀛洲亭下集羣賢
惟君與我洽臭味文章道義互切劘花鄂連枝即同氣
歲時婦子數往還孔李通家已兩世我老且病慚

君恩安分投閒旋里門歌詠昇平一野叟東華無夢來秋
村惟有良朋繫心曲夜半青楓懸月痕迢迢江漢盤三
楚旌麾南下斯文主玉壺澄徹聚珪璋金鑪鏗勺振鐘
鼓文章報國快生平我遙聞之爲起舞此事在君如在我
我同心意氣原相許欲往從之道路長側身西望天蒼
蒼爲雲爲龍兩傍徨且將尺素憑雙鯉東風遞聽三
里心逐長江沂春水

程蒿亭持竿圖二首

樓邱詩集卷二十二

鴻初集

三

共知撥藻上天門却憶持竿向水村兩帽風裳人獨立
蒼茫誰與認王孫

不將豚餌釣凡魚斂手聊爲臧丈夫辦得巨緇五十轄
東臨滄海莫踟躕

汪蒼孚新納陳姬字蘭谷工畫蒼孚以一扇見
贈爲題二首

粉毫瓊尺自丰神豈與徐熙作後身松雪齋中詩畫稿
故應分屬管夫人

花爲人面葉爲裙扇底穠華百和熏料得拈枝頻對鏡
自臨秋水画朝雲

挽許節婦詩

髣髴血淚咽悲風況是高堂屢告終半世酸辛縵經裏
一身憔悴雪霜中餘生忍死皇天鑒有子詒孫阿母功
莫恨旌閭年未逮節婦亡年四十二隴阡碑版照幽宮

題黃山古松圖二首

鬱盤何處兩蒼龍似是黟山迎送松後海春濤曾不斷
祇須一片白雲封

卷裏高寒黛色重故應標格傲嚴冬少陵自愛韋郎筆
可道雙松勝四松

題黃山木蓮花画卷

鳴玉谿邊清露濯慈光寺裏薄煙迷黃山未讓巴山種
聲上只少南賓太守題

樓部詩集卷三十二

潘柯集

十四

黃山花卉都奇絕綠縵芊茸目未經唐人木蓮花賦信有綠縵芊茸語
是詩人能解愛故將艷色付丹青白香山画木蓮花寄元微之云惟有詩人

能解愛丹青寫出與君看

題朱界洵歸去來圖

我與先生成二老十年重喜接清襟詩多謝朓驚人句
画出陶潛避世心蟻鬪蛙喧朝雨過猿啼鶴怨暮山深
此中好結柴桑伴莫更低佃梁父吟

画川覽物二首

氣候朝朝變紛紛感物華沉浮添水葉榮落換山花在
藻魚時躍爭巢鳥一譁老夫耽靜坐隨意日西斜
巖壑多幽意探尋幾徧來水衣常卷沫石骨不生苔新

綠乘紅褪微寒待暖回流光原過眼莫恨老相催少陵句只

恐花盡
老相催

題朱界陶八寄圖

柴門揖客

此是陶家三徑高花翠柏斜陽門外不勞車馬故人來
自柴桑

滄浪濯足

淨洗雙跟塵土另尋兩隻芒屨此後經行何地霞邊煙
際安排

南山種豆

休論後年田磽荷鋤且問今年會得人生行樂豆萁一

樓郵詩集卷二十二 鴻柯集

五

頃秋煙

匏莊洗硯

茅屋故園無恙柴門流水依然日向石邊洗硯詩成吮
筆伸箋

蒼茫獨立

滿地蕭蕭蔓草漫空漠漠浮煙拈得驚人一語獨立搔
首問天

擁書萬卷

春晝一庭煙靄書籤萬軸清華拋卷會心何處微風吹
落桐花

高枕聽潮

月缺月圓相遞潮生潮落無休一枕蘧蘧夢覺眼中大地浮漚

寒江獨釣

孤艇沿林小泊空江飛雪增寒唱得志和一曲一簑一笠一竿

寄懷張吟樵二首

京邸思携手忘形洽主賓酬詩傳勝事縱酒撰良辰松月蕭齋迴笙簧樺燭新相憐湖海士迭盪憶陳遵
宇內存知已如君復幾人風濤誰借問緩急許同論桂管千山路茸城一水津緘書今更達披豁任天真

偶以事來金陵半月而返途中有作四首

樓卽詩集卷二十一 馮柯集

六

何意來嘗建業水依然江上聽琵琶潯陽遷客今誰是
調急聲悽月影斜

漂泊西南也易悲

少陵句漂泊西南天地間

波濤江上路逶迤數乘

此險何為者不是乘風破浪時

不到磯邊十五年空亭亂石舊江天

余壬午年登燕子磯有濤春亂石苔

花古日下空亭樹影稀之句

南中風景依然在庾信文章不值錢

人心豈得輕離別天意何曾忌險巇

用樊南二語

頻歲備嘗

艱阻慣迴橈猶帶逆風吹

芍藥

殿春濃豔不教遮却似瑤天散彩霞風繞粉妝飄淺暈
露零紅玉浣纖瑕庭喧笙管花光競人倚闌干醉態加

一曲迴波行樂地飛芳舞榭在君家

樓邨詩集卷二十二

樓邨詩集卷二十二

鴻柯集

樓邨詩集卷二十三

寶應 王式丹 方若

梅花書屋集

甲午

呈胡京蒙前輩二首

時督學江南

宮山擢秀讀書堂躍鳳騰麟日月傍
一代石渠標姓字三年江國典文章
才搜白屋鷓鴣起操凜清冰硯席香
明月揚州今更好中天光彩照門墻

捧袂曾依御路東瀛洲談笑許相從
名師久已尊安定

野客惟應學處冲下采菲葑承教澤

姪孫箴傳歲試入泮第二名

重

迎旌旆沐仁風海西桃李春將入
佇聽鸞聲賦泮宮

甲午春日暫寓縱棹園感舊抒懷漫成十首用

樓邨詩集卷二十三 梅花書屋集

少陵何氏山林韻

記得東園路重來舊板橋頻年踏塵土
今日臥雲霄金

谷花猶好蘭亭客可招回頭觴詠處
未覺歲時遙

春半寒仍在林塘氣象清陶潛原種柳
李白未聞鶯網

水魚充饌鋤畦菜作羹此間容小住
飽飭日經行

城隅多別業野水自分支曲抱檜松徑
遙穿荷芰池煙

低斜照見風軟落花知一幅營丘筆
朝昏每獨披

不妨鋤蕙草無意種桃花昏夜驚飛
蝠陰崖畏伏蛇鴻

柯棲未穩

余僑寓邨上題所居曰鴻柯草堂

鶴柵夢方賒頗似孤山麓

林逋暫寄家

一峰當戶牖面面画屏開小徑猶芳草
深春有落梅南

皮人不再北海客重來歎息遊山屐誰同破碧苔

上已驚風雨奔流似瀑泉隨波思捧劒禁火憶封綿弔

古添詩課酬春費酒錢長吟時運句蕭瑟對斜川

跨壑紅橋轉沿林紫邏香人間憐冶麗吾意愛蕭涼康

水文曾采香山稿久藏眼中酬唱地悽切向青蒼

猶思寒夜集風雪習家池醉後拖藜杖歌來倒接巵談

遷皆作史楊孔總稱兒一一亭臺側追思伯仲隨

身世同浮梗朋儕等斷雲移居東灤句謝客北山地

主常相見春華過幾分十千爭肯惜紅翠尚續紛

瓦屋方留陸梅花本待何大都人跡少只是水光多綠

壑丹崖約黃雞白日歌年年憶煙景扶策更來過李太白別

樓邨詩集卷之三 梅花書屋集

二

廬山云與君再會不敢寒盟丹崖綠壑
神其鑿之白香山詩聽唱黃雞與白日

送殷彥來金陵赴試二首

二鳥光榮自一時東方曼倩有微辭
秋園竹粒無尋處忍遣空山老鳳飢

幾度乘風八月槎江干煙景夕陽斜
春風比似秋風好去傍青溪詠杏花

寄洪薌泉時應試金陵二首

十載才名文選樓今來建業值春遊
雞鳴山上煙霄闊待爾題詩最上頭

秋林曾報杏花紅二月江南正作叢
桃葉橋邊木蘭柀探花時節醉春風

贈吳漪堂同年三首

猶記迴舟泝去津，今來襍被住逡巡。誰憐屈首爲羈客，
翻喜論心得故人。呼應馬牛憑世態，往還風雨共天真。
東坡舊句應重唱，正結平生未了因。

十年京國飛書遠，一月吳門倒屣多。簾捲花香浮几研，
庭喧鳥語入煙蘿。魚龍曼衍都成戲，槃澗逍遙自和歌。
塵夢覺來吾輩在，眼邊風景未蹉跎。

此生嘯傲付東軒，怪霧盲風不可論。仗劍幾能逢劇孟，
繡絲端合爲平原。青山有路雲千疊，碧漢無塵月一痕。
烏鵲南飛此何夕，沈吟談讌正相存。用魏武詩語

月下偶成

樓邨詩集卷二十三 梅花書屋集

三

不因山水到江南，喧耳驚心豈夙諳。紀候已看過夏五，
問占何意得豐三。語參佛地原無著，書答山公果不堪。
暫借樽前半規月，洗空塵土照清酣。

瀛東壻自新安見過，留三日還廣陵，疊前因春

二韻送之

何處仇池可問津，合離鴻爪意逡巡。一生慣作天涯客，
雙眼惟看我輩人。交態已憑蹤跡絕，性情偏喜笑言真。
敢稱樂廣清無匹，最愛梁鴻熱不因。

拔地頗能辭滄濕，捫天豈敢摘星辰。時寓居樓上未妨覆雨

翻雲日暫憩，尋山問水身。桂發一枝來，月地樓居三宿。

亦仙人。時瀛東將赴秋試，留話三日。不須爲我勞魂夢，肝肺原收天

下春

康節先生語收天
下春歸之肝肺

放言二首三疊前韻

我欲橫舟江上津，吳天迴望正逡巡。已將身世同行客，
不把災祥問卜人。深谷芝香尋綺季，長湖竿影訪真
星辰。日月思騰上肯遣浮塵擾淨因。

大暑如爐何日去，清風談笑待佳辰。江南江北客中客，
夢往夢來身外身。萬劫周旋原在我，雙丸輪轉豈關人。
休論邂逅相尋日，時將七月三十六宮自有春。

偶得佳硯即事試筆得十三首

覓得黃湘自捧持，鸚睛鳳味莫爭奇。平生暱就文房友，
聯髮集有憶文房四友詩今日供吟客舫詩。一取清波新洗後，荆公句

樓部詩集卷二十三 梅堯書屋集

四

正看佳穎試書時，反騷豈比雲亭句。聊遣閒心對墨池，
何來風雨下秋空。咫尺江臯路未通，世事乍經無量劫。
男兒合是可憐蟲，即看節候逢青女。久已榮枯付碧翁，
讀破南華叅一語。雲將準擬覓鴻濛。

命宮磨蝎費疑猜，震耳驚颺是幾回。匿水含沙吁可怕，
昌黎語乘墉射隼愧非才。身從劔槊林邊度，心自烹煎鑊
底來。學道十年磨鍊盡，不將尤怨擾靈臺。

客來問我平生事，鈍拙疎狂各幾分。鼠臂蟲肝原噩夢，
白衣蒼狗只浮雲。暄寒境界何須別，歌哭心情本不羣。
只恐猿驚兼鶴怨，憑君移得北山文。

敢道階庭橫古今，書窗燈檠自閒吟。檢身休問一朝患，

讀史時懷千載心，莊叟危言分黑白。君平饒舌管升沉，
吾生最要忘機侶。江上羣鷗好共尋。

客裏光陰未有涯，朝昏百怪正紛拏。謔言謾道雞三足，

幻影驚逢鬼一車。梅福豈能同市卒，梁鴻只合賃臯家。

俱用吳門事俱遭反覆關何事，信是天遺莫歎嗟。後漢王丹

俱遭反覆我兩人爲天所遺。

登臨有約還應踐，光景隨時本不慳。多載家鄉重碧酒，

徧看江國夕陽山。妖物怪無何有，猛雨轟雷了不關。

心跡故應雙寂寞，會吟清興未闌珊。謝康樂會吟行

今昨紛紛掠眼過，雪泥鴻指認平柯。余僑寓邗上自題所居曰鴻柯草堂

神仙豈擬秋風客，富貴真慚春夢婆。柳外匏樽謀薄醉，

樓郵詩集卷二十三 梅花書屋集

花邊銅斗放狂歌，人間天上今何夕。最憶揚州月色多，

移裝猶未許還鄉。半載天涯客夢長，筮易逢爻嗟喪僕。

澆愁索酒笑空囊，大川高嶺縈歸路。細雨斜風滯野航，

早晚玉衡東北指吳江。楓葉已全黃。

自要神遊三素外，誰教身墮四塵間。顛狂阮籍工長嘯，

寂寞劉伶善閉關。觸景爲歡原勝地，避人有路即深山。

從今極浦揚舡去，便抵蘭臯步馬還。

無端患難共支離，剪燭論心一夕知。最喜笑談逢太白，

敢言觴詠比羲之。不驚疊浪層波地，長記清風朗月時。

廿四橋邊舊煙景，画船蠻榼訂佳期。此篇贈高郵李公

荒唐事業自低徊，洄溯河梁爲底來。來日薰風搖弱柳，

歸途寒露染枯荻遊山康樂空餘癖作賦蘭成莫漫哀
且喜船窗饒野色無邊落木夕陽開

到來江上風波地却得風波盡日閒伏水蛟鼉無出沒
漫山草樹正爛斑魂飛劫火神應庇日近寒冬客暫還
爲報山齋多置酒今朝生入玉門關

僧院寒梅次瀛東堦韻

便現僧身竿木隨笑拈禪院好花枝却塵不恨客來少
耐冷何嫌春到遲白月清風無色相小山曲水自襟期
紛紛過眼何須問駐屐微香共賦詩

江上別友四首

草色粘天春暮時過江孤客欲何之驥當伏極原千里

樓郵詩集卷三三 梅花書屋集

六

鵬要培風豈一枝北去塵沙平似掌老來日月疾于馳
與君併是舟車客揮手東風感別離

雲峰千丈矗高空白日西臨江海東袞袞諸公都將相
茫茫何地老英雄行蹤豈但半天下長物不曾留室中
過眼年光一彈指鬢絲怊悵落花風

豈能刺促送生涯曼倩龍蛇一歎嗟事業浮沉越少伯
友朋涕淚魯朱家黃金一笑揮塵土藍面中宵畏鏤鈿
留得鬚眉不磨滅酒酣高岸帽簷斜

雙翻摩空下水溜菰蘆接影舊交期迷離風雨千觚酒
浩蕩關河一篋詩叔度著書原不仕處冲兢易已成癡
相逢又唱河梁曲楊柳飛花著處吹

京口雜興十五首

問渡瓜洲何所之，迷離帆影夕陽微。
大江渺渺鳥雙去，平楚蒼蒼山一圍。
未厭風波來遠道，每依蘆荻送斜暉。
十年舊夢關山月，又向桓伊笛裏飛。
是夕笛聲起江上

棹郎歌裏過江來，破浪聊應懷抱開。
經眼樹圍招隱寺，回頭日挂妙高臺。
山排北向當城出，潮捲東流到海迴。
晚泊忽驚雲萬疊，龍吟隱隱動風雷。

舊壘殘陽萬馬屯，風雲迴薄浩無垠。
千年戰血腥天塹，一簇嵐光照海門。
燈暎高檣依碧落，鐘撞梵宇報黃昏。
茫茫岸脚孤舟客，幾見潮痕與汐痕。

一拳面面側帆過，倒影迴光向晚多。
乍覺嶺邊暗樓觀，却看水底晃星河。
巨緇鼉背將投餌，野樹鴉羣已滿柯。
漫說平生足悲咤，橫空雙眼自揩摩。

樓郵詩集卷二十三

樓花書屋集

七

江干莽蒼接青冥，風景頻教此地經。
峰入亂雲迴北顧，波翻殘日射東溟。
尋仙欲到孝然宅，摹古須搜弘景銘。
高詠坡公放船句，坡公自金山放船至焦山有詩只教舉手謝山靈。

古來形勝控江關，淘盡英雄浪影間。
蜀相綸巾留片石，韓王金鼓咽空山。
西歸坐見三分鼎，南渡空悲二勝環。
剩得橫江翠翎雀，朝朝飛去暮飛還。

百雉遙臨峭蒨間，山隈終古聽潺湲。
王恭樓外枯杉影，郭璞墓前苔蘚斑。
挂塔風鈴還自語，浮波戰艦已常閒。
憑誰憶得江南賦，蕭瑟平生庾子山。

矗雲高嶂起層層雄鎮南徐自古稱別派三江通茂苑
上游六代踞鍾陵大邦旗蓋誰強弱半壁金湯有廢興
設險王公千載事山河表裏只峻嶒

岷峨源出三千里淮海星羅十四州劃破一條蟠地險
匯歸百谷拍天浮疆場列嶂經烽火壘壁分躔近斗牛
今日清平無戰伐不須彈劔話封侯

山水週遭俛仰中間思往蹟湖飄風鑿山乖角秦皇帝
羅昭諫詩始皇
算事渾乖角 遞水乾忙李相公自有榮枯春艸綠斷

無今古夕陽紅客心浩蕩關何事日夜江聲流向東

涼風天未似高秋醜酒臨江散暮愁不斷陰陰排埜馬
有時點點沉沙鷗草山官舸帆初落蘸水漁梁網欲收

眼底閒忙聊一笑潮聲蕭颯荻花洲

鐵甕東西望遙林容山貌晚蕭蕭子瞻留帶尚有寺

仲晦題詩何處橋一握天中雲挂角九杠夜半斗移杓

古人不作誰同語翹首高空祇獨謡

非鬼非人詩句豪用坡公金山詩語當年光影悵今宵略同江

上記枯柳誰與月中吹洞簫水遠山環昏霧塞龍愁鼉

憤晚風驕坡仙萬古精靈在醉倚篷牕咏大招

便向前津問小航長年應笑太匆忙風梳雨沐客千里

楚尾吳頭天一方濃淡林煙夕黯黯高低檣影波茫茫

攬衣莫上浮圖望送盡飛鴻隔故鄉

崖巔渚曲數探尋繭足岐塗歲月侵少小頗為宗慤語

年時只有向平心不驚波浪憑忠信獨對蒼茫閱古今
汗漫底須嗟浪跡儘收煙景入清吟

曉發京口赴金陵舟中五首

旭輪斗上海之涯影動高帆掠岸斜萬嶺青浮未消霧
一江紅溢乍飛霞剪齊葭風披葉臥穩蛟鼉浪斂花
極目搖溶路修遠欲依霄漢覓浮槎

漠漠雲陰幕四圍汀楊搖曳曉颺微波心不見豬婁拜
草際時看燕子飛詎有神仙遺玉珮未妨蓑笠守漁磯
風濤世路知何極合學蒙莊杜德機

尚有雞聲近岸聞篷窗初敞曙光分嵐開一桁照書帙
水掬半匙生墨雲野客休翻小海曲美人猶記留仙裙

樓郵詩集卷二十三 梅花書集

九

卽今吟望天風裏擁楫何人問鄂君

客遊不淺登臨興一路煙雲肯遣閒纜檢行滕移白舫
便安小几對青山別來北固皆屏障數上聲到南都幾髻
爨去去石頭多好景須教攬載滿囊還

此間打槳幾番經歷歷風光照眼明蘆荻綠洲皆有姓
峰巒而岸不知名徐過黃蕩晴煙引恰傍青谿暮靄生
三十年來一俯仰江山隨處似將迎

燕子磯感懷

臨江燕子年年見翹首西風乍欲飛城郭齊梁曾不改
衣冠王謝未應非濤春亂石苔花古日下空亭樹影稀
漫道登高須作賦江南庾信竟何依

樓邨詩集卷二十三

樓邨詩集卷二十三

梅花書屋集

十

樓郵詩集卷二十四

寶應 王式丹 方若

梅花書屋集 乙未

家桐孫自延今過訪投詩二首次韻酬之

聯袂京華昆弟緣重逢談笑尚依然編詩君得一千首

桐孫映日堂詩六卷凡千首 紀歲余多十二年 桐孫今年五十 尚有

風光隨地好豈能樗散受人憐眼邊俯仰都陳迹莫負

蘭亭被袂天

映日堂前樂舊居袖中毫素腹中書遊蹤恰喜三春後

別緒遙驚七載餘桑海人間騰鬼蜮湖山我輩老樵漁

合離鴻爪浮生夢酒底詩邊與破除

樓郵詩集卷二十四 梅花書屋集

次韻答喬念堂表弟

已知曼倩混龍蛇筮得睽孤載鬼車洛下音書勞驛使

吳中風雨送年華雪鴻迢遞歸來客社燕飄零夢裏家

最憶画川留榻處殘春猶及傍梅花 念堂甫自中州旋里余以事羈絆吳

門經春未歸回憶去年二月假館画川殘梅猶在真似隔生也

四月廿七日竹邨三弟澹巖四弟東宿九弟邀

諸同人宴集竹里草堂時雜花徧開積雨未霽

即目抒懷各賦二章以佳辰二字為韻

製成藤杖與芒屨踏徧崖巔兼水涯三日五日風雨數

聲詩人酒人興味佳平安最愛千竿竹鼓吹何妨兩部

蛙自是輞川圖画裏花均蘭柴舊安排

煙光不改隋時柳遊覽多傳宋代人雨洗三山歸我輩
花明四月得良辰羣賢觴詠風流在昆弟賡酬樂事真
稍待碧天新霽後更凭苔閣賦冰輪謝莊月賦
綠苔生閣

六月六日同年李環溪明府邀集平山堂登樓
望江表諸山各賦二章以平山二字爲韻

景宋清才三楚英凭高騁望愜平生花開何處柳如舊
江去不迴山有情鳥道穿雲歸杳渺螺鬟過雨得分明
漸依西崦迎初月野馬低排暮靄平

爲政心閒物自閒用唐人句名流真合賞名山官家事了多

佳日勝地人來共喜顏樓閣高低塵壒外金焦離合混
茫間新詩快讀還深酌是日環溪
即席賦詩對景何妨兩鬢斑

樓郵詩集卷二十四 梅花書屋集

二

偕同門盛東田明府遊甘露寺因約同年李環
溪明府同遊焦山次東田韻二首

踰年羈旅又逢秋好友印須汗漫遊浪偃蛟鼉風自澹
煙籠草樹雨初收梵宮古蹟三朝盡詩筆標題五字留
坡公有題甘露寺五言長篇未讓蘇公矜獨往尋山還擬放扁舟

吟眺相携有勝情天涯休遣客心驚臨江浩蕩支筇立
越嶺欹危掉臂行十里帆檣瓜步月九秋潮汐潤州城
寄言進艇詩人道續得清遊問去程

題洪退巖感遇詩後

世態矜先達天心重晚成飛英知寶茂採采貴中閔雲
路須騰驥天池待運鵬魁杓羅上象列宿貫元精誰壓

千膏木惟操徑寸莖亂鴉羣解噪孤鳳幾曾鳴呼白梟
難勝彈碁局不平猶應遲一出蚤已喜雙清磊落標丰
骨飄蕭率性情詎應當世棄忽覺此身輕握手歌兼泣
同心氣共聲曩年曾入夢往事漫多驚草草鬢眉改息
息歲月更以余迴舊轍知爾薄浮榮吟就歸來句圖成
太瘦生疾邪思趙壹愁緒比張衡舊隱瑤華圃高居太
乙城洪源迴俗駕雲谷約春耕本領天根在菁華月窟
并出寧傷耿介處自愛身名進退皆餘裕優閒孰與爭
有時尋水石此地得蓬瀛遺俗原無累澄心夙寡營相
期黃海上鶴背共吹笙

江上偶成三首

時年七十一

樓郵詩集卷二四 梅花書屋集

三

頻年來往慣江干斗覺心驚行路難孤櫂遲迴風轉勁
晚山黯慘雪增寒無端噩夢人將醒此日行踪歲欲闌
携得梅花一枝好蓬窗把酒共誰看

七十老人緣底事獨携襍被向江臯南徐舟接潮聲起
北固嵐飛雪影高天意何曾饒嶮巖人情久已困波濤
平生任運爲長策笑指浮鷗送濁醪

莫爲行人怨滯留此心久與白雲遊潮生潮落原憑信
舟去舟來豈自由但得南風過瓜步便從東路下常州
雪泥鴻爪何嘗定一笑樽前萬慮休

宿根蘭花二首次瀛東壻韻

藝蘭春半綠成圍別有幽叢境界非誰識孤蹤綠地僻

從來逸品貴知稀一年悴葉漂寒露二月新芽照曉暉
過眼流光嗟浪跡好花開處喜初歸余以事久羈吳門近始還鄉
銖衣瓊佩結新知月采雲英認舊期空谷丰標原特立
後房金粉豈爭奇欲招屈宋塞香草羞倚箏琶唱豔詞
與爾同心得同賞傍花把酒日相隨

楊大瓢振衣千仞岡圖

刺促下界塵眼光落何處卓曠士心憑高渺四顧睜
彼千仞岡摩天鳥飛路其上神仙遊遺之雙芒屨振袂
一登之浩蕩目所寓蒼蒼幾點山衣帶一水注縵馬思
周流雲霓盍來御鳩鳩勿勞媒鸞鳳邀逸步天風吹衣
裳扶桑向縣圃俯視醯罌中蠓蟻一旦暮大笑頻掀髯
自寫凌雲賦

樓郎詩集卷二十四

梅花書屋集

四

初夏雨中七略書堂宴集同用略字

忽忽羈吳門孤蹤感離索逾年許旋歸一枝潛棲託豈
不念同羣風波困漂泊故人喜見招復踐文酒約夏初
敞園亭景光入簾幙連屋萬卷書石渠總要略羣賢擅
才華藝林齊標格但有風月談亦復展諧謔使我塵垢
胸一朝頓疏淪推窗面青林微雨洗光澤于焉心顏開
促坐引杯杓契闊日已久古懽今猶昨世變如奕碁况
乃夢多噩解憂惟杜康檐花照深酌酒亦時復中詩亦
偶然作對酒真當歌樂莫今夕樂

程蓉槎菊舫圖

楓葉欲彫柳陰薄一昔西風動巖壑高人逸興向花林
夕餐愛趁秋英落尋秋小港雙橈通滿載霜枝香一叢
歸來泛酒誰共醉我欲結伴東籬東

唐新禪擊壺圖

詩千首酒一杯世人皆忌獨憐才杜陵老大意轉拙豈
能不爲佯狂哀我愛唐先生磊砢負才名蚤擅詞華凌
雲起更屬鞶韉從軍行萬里波濤涌奇氣千重嶺嶂排
遙情囊中利錐未脫穎變下良材誰發聲半世飛鷲只
瑁瑤手擊唾壺鳴不平我昔遲暮爲名累蹤跡與君曾
不異逢君今日客遊中爲君重灑窮途淚嗟余縱得博
微名十年草草成何事塵霧方晦冥獨行自竚竚道上
忽逢人欲殺何況懷才鬱鬱那得俗人雙眼青雞鳴落
晨星飄風吹流萍篋裏自藏阿房賦他時要待吳武陵
且當爛醉高眠莫漫醒唾壺缺盡無人聽

題濯足圖

凌晨白煙生迷濛徧巖谷日上天宇清花林淨於沐幽
人獨往時景光澄心目一水數折流泉聲想飛瀑坐來
片石孤聊取濯吾足世路千尺塵紛騰久踏蹴泥濁水
深深有懷歌獨漉快哉脫行滕伸脚山中宿

寄題杏花春雨樓

歙縣松明山中江于鼎文治兄弟偕隱處

尋山自愛松明好得句最宜春雨時一夜樓頭紅濕處
杏花消息渭南詩

合是何家大小山柴車草屨萬峰間我生有夢落黃海
得傍樓居不擬還

環溪卽席賦詩次韻奉酬

氣候朝昏變陰晴日幾回煙鬟迷更見雨脚歇還來大
雅三賢接長城五字開相將歌舞地綦履踐莓苔

環溪令弟石湖壘韻見贈奉答一首

昆弟才名並酬詩往復回江山千古在珠玉九天來經
兩煙光集當樓繪境開同君懷古意篇詠託岑苔

陳堯愷世兄舟過寶應見訪寄懷一首次韻奉

答

江北河東天一涯扁舟遠下射陽陂奔馳日月思窮士

樓郵詩集卷二十四

梅花喜神集

六

洄溯蒹葭賦在坻隋苑霧迷螢自照邗溝雨密柳猶滋
驪歌一曲斑駁發欲向來朝更繫維

送吳漪堂同年返吳門

隋堤迢迢楊柳條我友來思風雨瀟瀟長雨闌風

去雁來鴻雁去吳天曰維闕逢鴻來邗水曰維旃蒙

甲午留吳門漪堂蘇臺有麋誰張之羅雁則懼之斯

晨斯夕子惠貽之零雨灑灑康山其荒瞻爾鴻飛於

焉迴翔此邦之人兮誰謀稻粱相送於野兮踟躕頡頏

簡李環溪二首

城頭姑射擅仙才南指江山秋影開廿四橋邊清夜月
遙隨蘭柁過江來

賢勞應借寇恂才吟眺公餘亦快哉咫尺金焦連北固
詩人擔載滿囊回

七月七日感舊事偶作四首

槎客迢迢天路紆好將芳訊報黃姑年來大有含沙蜮
新見支機石畔無

乞命爐邊豈上真陶安逝後滿城春當年日夕驚飛火
燒殺城中多少人

矜夸曝腹本狂奴問爾腹中幾部書只得商鞅書一卷
可憐博得五牛車

留題覓硯亦堪嗤謳誦何須絕妙詞記取三言十二字
沿途勒得口頭碑

樓邨詩集卷二十四 梅花書屋集

七

次劉艾堂壬辰送別詩韻寄中州學署二首

忍冬花下別樽酒憶商歌揮手關河隔回頭歲月多崇
牙升太室元籥鼓天和我欲遊清洛薰風泝淶波
晚景逢憂患還能嘯也歌雲衢書札遠江國射工多省
已思捐念觀空懼滑和周行應示我何以鎮風波

翁康飴贈画一幅題詩其上次韻奉和四章

我愛空山竹樹居莫將遠並草多廬老來已覺名心盡
種就龍鱗不著書

患難餘生戀隱居畏人逃世覓吾廬眼前漸喜無機事
讀破南華一卷書

湖山佳處有高居花繞闌干水繞廬最愛舞裙歌板地

餘春風景不勝書

十日蘭橈返舊居臘殘春近萬花廬待君遺我東還帖
湖上分甘細細書

汪母吳太恭人兩次割股孝節兼盡為詩以頌
用古樂府體二首

割股持作羹翁已瀕於危乃復得之生異哉翁已瀕危
乃復生燈明明血熒熒惇惇夜三更病榻沉沉不聞聲
盥手奉此一椀羹

割股持作羹夫一逝不返那復得之生慟哉願隨夫逝
不願生燈明明血熒熒哀哀夜三更總惟沉沉不聞聲
椎心獻此一椀羹

樓村詩集卷二十四 梅花書屋集

八

喜樊書山病起和殷彥來韻時余尚在吳門舟

中

纔見病顏癯似鶴旋驚詩力猛如羆江南有客思酬句
邗上經秋憶舉危紙閣新糊開了鳥花枝初浸滿軍持
誰知小院閒吟日猶是孤帆遠別時

季秋喜輿孫自都門旋里來郡省視因事亟歸
瀛東壻送以二章輿孫和答並書一扇余見而
心喜之亦和

前歲離余仲夏天於今秋杪汝言旋廿齡騰蹕休傷別
三世團圍不羨仙細雨清風懼竟夕黃花紫蟹醉成篇
試從往日看今日正喜青年伴老年

莫向浮生判合離未妨酒興動吟思河梁來往無多地
燈檠光熒是此時料得晚香霜可傲還期盈盞夜同持
寄言汝父須知喜我向北山文已移

次韻題桐江歸棹圖送瀛東壻還歛四首

遙指新都是舊邦秋風九月冷艤艘長江到處供吟嘯
行盡吳江又越江

唱和羣賢日並肩行人忽上渡江船經冬多恨春光遠
莫向寒山住隔年

喬林棲鳥非無意翠岫停雲良有心求友鶯聲須出谷
休從巖壑覓幽深

歛浦墩湖波影閒烏聊山接紫陽山就中訪道容成子

三十六峰往復還

樓邨詩集卷二十四

樓邨詩集卷二十五

寶應 王式丹 方若

梅花書屋集

丙申

二月一日同年李環溪明府會文平山堂招集
同人兼爲郭冶峪同年餞別各賦一首限真韻

即看客子辭鄉日正值山堂校藝晨慶曆文章思古調
江關楊柳動芳塵嘶風征馬鞭初拂食葉春蠶筆有神

歐公試士詩下
筆春蠶食葉聲

此地聯吟兼惜別萬松嶺畔醉花茵

二月初八日奉

特旨趙案即行完結揚州合城仰荷

聖恩恭祝

樓邨詩集卷二十五

梅花書屋集

萬壽

廣陵濤畔久逢屯

詔下高天荷 聖仁洞察株連明並日盡從寬釋霽如

春樓臺十里煙光復花鳥三山鼓吹新萬姓同歡祝

萬壽鸞歌麟舞麗中宸

聖主勤民體一元如傷隱念久逾惇即頒雷動風行令

立沛生成覆戴恩願覩昇平傳奕葉更增曆筭溯長源

微臣身沐春波裏祝頌升恒望 九闈

自題江上集二首次霽巖壑韻並命輿孫同作

江上頻年往復還隨時風景最相關大都弔古懷人句
多在山城水國間經眼風濤惟一笑關心吟嘯自耽閒

新詩最是京江渡北固南徐蚤共攀

天上緘題斷往還人間鬼蜮不相關自知巖壑雲霞夢
不向名場宦海間隨處詩壇隨處酒幾分狂態幾分閒
寄言京洛偕遊客芒屨荷衣孰與攀

花朝

蚤春節候屆花朝爲訪梅花不憚遙豈但開齊誇爛熳
須知清絕認丰標放翁百億身相伴處士黃昏月下招
却媿塵中隔仙境低徊小立更攀條

題畢易菴小照二首

檻外新桐引科頭識偉人青箱今古集綠野性情真子
夜林香晚新昌里第春樂天歌詠處處清賞在佳辰

樓卮詩集卷二十五 梅花書屋集

二

細靄明霞合荷衣蕙帶舒芳華留景物暢敘在庭除繡
閣鸞爲友瑣窗鳳是雛知君才冠世圖画有閑居

雜詩七首

少日丰神尚宛然卷中榻上證金仙前因省識維摩詰
花底參來文字禪

萼綠雙成那得雙休論塗抹阿婆妝画省近日看深淺
消息天階問玉郎

夢裏書窗雨漾絲開緘片片落英蕤即從鄴下酬曹植
猶向荆南寄趙岐

仙籍司花格韻清攢枝儷葉總芬榮欲憑霧夕聯新句
束帶空憐太瘦生

響答前賢名與齊文章碑版照清谿曲廊一一經行處
繞柱巡檐認舊題

當年杖履曾爲伴今日林泉欲共探一種芙蓉照秋水
迢迢江北望江南

還里已應同逸少煉金那解學王陽東都合遣逢司馬
西漢初謀葺艸堂

題秋山學圃圖

永新令張士琦即
顧俠君秀野園

京洛客迴營秀野永新人返駐秋山兩賢標格風埃外
一幅煙嵐指顧間某水某邱都占勝有亭有閣並耽閒
披圖慨想予懷切何日相携覓句還

六月六日疾風暴雨酷暑稍解

樓部詩集卷二十五
梅花書屋集

三

忽驚風勢猛旋訝雨聲狂人喜涼乘候天懲火釀殃三
霄呈變態一刻靖驕陽真是承天澤羣生樂且康

觀劇二首

四疊猿聲憤欲爭穿雲裂石鼓聲聲人間舊譜漁陽慘
地下遺狂禰正平

單絞岑牟本自狂摻搥聲裏氣飛揚可憐已死姦雄骨
千載重教飲劍鉞

七夕和韻

江上帆檣有往還顛風駭浪本無關情知勢燄熏天後
自有清風落樹間十載丁香猶夢寐一叢茉莉自幽閒
銀河清淺無風浪仙侶年年共躋攀

題某太守琴鶴圖二首

西岸葦花似白雲
江天風細水沄沄
一聲鶴唳人何處
檜楫松舟載使君

塵表心情有素期
十三徽裏少人知
水仙彈罷秋濤起
正是成連海上時

贈宋山言同年時視學浙中

月照蓬臺倚玉梯
十年清影共攀躋
春明門外天涯路
迢遞淮南與浙西
霅溪煙樹遠排空
画戟牙檣細浪中
爲報故人遠相訪
一帆寒月挂西風

記得輪番日課詩
雨中春樹長新枝
即今牽袂冰天裏

樓市詩集卷二十五 梅花書屋集

四

猶似含毫永晝時

自題十三本梅花書屋圖三首

梅花公案幾重重
東閣羅浮事不同
今日披圖仙境別
十三株下一吟翁

鐵幹冰枝雪幾重
筠簾棊几映寒空
從今且斂和羹手
萬首詩成敵放翁

梅花閒伴醉吟身
嚼蕊含英意象新
回首東華塵土內
尋蕉覓鹿幾何人

初秋限韻

夜來秋有聲
曉起見隕籜
季夏苦熱餘涼颼
入簾幕喜
無穠穢子兀坐耽寂寞
一叢抹厲花清露潤輕萼
稍稍

理袂衣把杯就淺酌我身在客塗無田問耕獲惟展古
人詩歌嘯自灑落世路夢久醒閒居且尋樂年已過古
稀日當進康爵

賦得傍人錯比揚雄宅二首

延賓三徑刈蓬蒿舊雨賡酬不憚勞浮譽半生醒噩夢
長吟幾疊擬離騷豈隨泛駕趨岐路猶檢空箱戀舊袍
休問尚多與尚白眼前煙景付吾曹

曾無壘宅江南住漫把篇章學楚騷小院秋風酬舊句
連宵涼月勸清醪分題摘藻雖慙謝適意裁詩獨愛陶
安遇但知隨處好瞻天何必首頻搔

送白沙村卜居金陵

樓卮詩集卷二十五 梅花書屋集

五

江左風流此卜居論交舊雨肯教疎不因食粥悲生事
自向鍾山憶種蔬家計猶依石城水食單不索武昌魚
六朝著作搜陳迹猶見齊梁斑管書

分賦得月季花

枝碎能緣壁花繁易作叢逢春初逞豔輪月不教空駐
履微香近鈞衣棘刺同花林排品第應許下兼中

題畫

林光蒼翠繞清溪獨坐谿邊頗自怡隔斷市廛塵不入
水窮雲起夕陽時

鴻柯草堂對菊限韻

種菊滿幽徑秋光小苑東陶公爲儔侶隱逸千載同種

類名態色掩映瓊罍中寒露變嚴霜澹日引輕風塵情
與俗慮澆滌歸太空揮杯共清賞花前燈影籠詩思兼
酒興灑落對芳叢浩若懸瀑泉飛流百丈通

樓郵詩集卷二十五

男懋訥孫箴輿謹同校字

樓郵詩集卷二十五

梅花書屋集

六

先生清明豈弟純然古之君子問學該博才力敏練舉
凡兵農禮樂朝章典故無不經營貫串而洞悉其源委
至於文詞翰墨聊復謏謏所好姑玩勝日顧蹕屬特出
已足鼎峙於新城秀水之間余自辛卯入京師得居先
生甥館奉教言者靡間晨夕洎先生歸田以後僑居廣
陵亦復時時獲親杖几每當好風佳日欣然有作一字
未安深夜就寢必起挑燈改定後已其沉密不苟如此
遺藁若干卷嗣君抑夫令吳興始從開雕余於今春棹
舟訪抑夫於官舍重覩斯集悼歲月之不留憶風流之
恍若悲喜不自勝抑夫囑爲校訂因識數語於卷末

雍正丙午二月子壻歛浦洪公竄百拜敬跋

眼中南北兩詩伯新城尚書長水師

房師梅耦長先生為竹垞先生門下

士登壇豎纛主揚扈分鑣流派稍參差後兼厥美查田

翁光芒萬丈柄劫持寰區鼎峙足橫鶩餘皆自檜無譏

訾豈知珠光連璧社殿元奮臂揚旌麾文堂學海探寶

竅詩與書皆第一宜乾蝴蝶句士林愛看芍藥什公卿

知笑彼擅場楊汝士壓倒元白唯纖詞恨昔所見祇片

羽手鈔口諷饒涎垂嗣君賢宰涖吾邑叩請乃得全豹

窺編年纂輯不一集瓊葩瑰瓌光陸離貼妥排纂鼓元

氣異音沁入人肝脾萬象凌暴孟東野疏鑿涇渭元裕

之時出清妍逞標格直追霧夕芙蓉詩彷彿豈有步趨

跡包孕自無毫芒遺唐韞韓杜宋蘇陸繡絲五色雲霞

樓郵詩集遺詞

一

披况我眼饑且吻燥得不口頌還心維詩本言志論不

爽公於仕宦羞韋脂金門苦饑仍雜咏自署頭銜王湛

癡而此翕翕內熱者蠅營握齪難醫治詩不破俗不擅

勝朱查名位皆如斯我讀公詩服公品鷄鳴不已情同

茲高懷古處善貽厥端明過邁皆雄姿卽今春陵歌溢

耳在邑言邑非阿私他時掖垣傳諫艸世譽終當還鳳

池

吳興後學吳斯洛敬題



